



Inatsisartut Suleriaasianni § 36 imm. 1 naapertorlugu Naalackersuisunut apequt imaattoq matumuuna saqqummiuppara:

Naalackersuisunut apequt:

1. Suna pissutaava nunat allamiut umiarsuaasa – Islandimiuunerusut – Tasiilamut tikissinnaannginnerannut piffissami RAL-ip angallavissarinngisaani ?
2. Suna pissutaava, nioqqutissat nutaat Islandimeersut timmisartumik Tunumi niuertunut ingerlaannaq assartorneqarsinnaannginnerannut ?

(Inatsisartuni ilaasortaq Justus Hansen, Demokraatit)

Tungavilersuut:

Tunumi innuttaasuulluni arajutsineqartutut misigisimanartaqaaq – sualummik – kitaani pissaanermik tigumminittut tungaanniit. Tamanna minnerunngitsumik pissuteqarpoq, pissutsinik qulaani apequtini pingasuni allaaserisanni.

Siunertarinngilarali inunnik imaluunniit sumik arlaannik pasinarsaarinnissara. Siunertaraara uagut tunumiut ilaannikkut misigisimasaratta, inuttut allatut allani najugaqartutut pisinnaatitaaffeqarata. Taamaattumik qilanaarpunga apequtima akissutissaanik pinissannut, politikikkut suleqqinninni taakku atorussakkat. Uannut pingaartorujussuuvog, sinnerissami sumiikkaluaruttaluunniit assigiimmik pineqarnissarput.

Toqqaannartumik apequtigisannut tunngatillugu kialluunniit Tunumiissimasup nalunngilaa, piffissap ingerlanerani ilaannikkut nioqqutissanik nutaanik pissaaleqisoqartaqisoq – sualummik paarnanik naatitanillu. Islandimeersunik tikisitsisalernikkut ajornartorsiut qaangerneqarsinnaavoq.

Apequtit akeqquneqarput piffissarititaasup iluani tassa ullut naliginnaasumik sulliviit qulit qaangiutsinnagit.